

長沙蕃椒墩陳氏總祠譜序

出長沙東郭百里而腴行不盡日抵清泰鎮蕃椒墩有祠巋然
剏建於光緒時吾陳氏始遷朝禕公而下厯代先人所馮依逮
今餘四十葉矣當日繇江右偕來者有彭錫常錫余呂詢常茂
才家璵彭太史清藜泉吾同年友彭孝廉兆璜無異詞蓋三姓
家錄摭言脗合可互證也贛湘唇齒占籍於湘者泰半徙自贛
然考其世譜遑遑十餘傳或廿餘傳爲其胚胎於明時爲多歟
吾三姓最久且繁衍故邑稱舊族未能或之先焉譜載朝禕公
於唐咸通間授招討使呂剿黃巢功封威烈將軍節度武安繼

訓竊怪其事蹟不著於新舊唐書及讀義甯宗前輩右銘中丞
所撰公瀏陽筭箕坡墓道記始憬然於故籍多闕文也記云吾
陳氏多祖江州義門義門之族自宋嘉祐間奉敕析居別爲莊
百二十有八由是遷徙徧東南獨今湖南所遷支更在宋前蓋
呂唐武安節度使朝禕公爲始祖公諱端世居江州唐季旌義
門授家長崇長史公之舅弟也父諱克純登進士第公亦繼成
進士曹州賊僭僞號唐呂墨敕徵天下兵公討賊有功授武安
節度使封威烈將軍後裔居潭州者滄浪莊歛田莊尤著寶箴
忝撫是邦去公爲節度使時千有餘歲方慰尸位苟祿貽前人

尋抑猶冀馮公寵霸回菑變而康世屯焉中丞義門之伯也故
數典敬宗言之綦詳如此繼訓因曰慨乎前人行誼勳績方策
遺佚因而掩抑澌威如吾朝禕公者何可更僕祿也歛田莊側
舊有歛田寺始名福壽邑志稱唐陳英仲建是爲吾三世祖入
傳至團爲宋郎將封侯夫人九生子可球可明可洪可清可恭
可茂可槐可慶可宗可壽可秀世所稱九母十一郎者可秀晚
出莊已析諸兄分潤因號曰歛田寺榜亦更今名奉父遺像祀
之僱僧住持久之寺遭喧奪宣統辛亥後族老總戎斌生孝廉
保彝徇族衆請商諸繼訓訴於官而規復之自是正名曰團公

祠並祀田如千畝由總祠遴族中長而賢者董其事蓋其慎也夫一寺得喪烏足深論顧念千年先業失而復遘非宗人之尊祖重義眾志搏揖曷其有濟蓋江州遺風汜未衰息於此可曰觀其概矣乙亥春總祠重理圖牒問序於余爰攬拾故實曰詔後人俾知所曰食先德席餘蔭積久而不散者其來有自

清賜進士出身出使俄國參贊員外郎銜度支部主事軍餉司
司長長沙裔孫繼訓謹譔